

**TEZAUUR LITURGIC**  
**11 NOIEMBRIE**

**ACATISTUL**  
**SF. MARE**  
**MUCENIC**  
**MINA**



**MOSCOVA, 2000**



## **Акафист**

### **Святому великомученику Мине**

#### **Кондак 1**

---

Возбранный чудотворче и в скорбех скорый помощниче, святой великомучениче Мино: хвалебныя песни от сердца приносим ти недостойнии; ты же, яко имеяй дерзновение ко Господу, от всяких бед сохрани зовущия Ти: Радуйся, Мино, мучениче многострадальный.

#### **Икос 1**

---

Ангел во плоти на земли явился еси, Мино преславне, слово бо Христово душею чистою прием в пустыню, идольскаго нечестия бегая, удалился еси, идеже яко бесплотен Богови послужил еси: мы же чудное житие твое поминающе, с радостию поем Ти: Радуйся, Церкви Христовы звездо пресветлая; Радуйся, солнца Правды луче благодатный. Радуйся, светильниче святой, житием твоим верныя просвещающий; Радуйся, заповедей Божиих исполнению научающий. Радуйся, правоверным, благочестия христианскаго образ

являющийся; Радуйся, к свету Христову заблудшия наставляющий. Радуйся, неправомыслящих вразумление; Радуйся, сребролюбивых сердец исправление. Радуйся, миром духовным, души наша услаждающий; Радуйся, в печалех присно нас утешающий. Радуйся, скорое от бед избавление; Радуйся, злых помыслов наших отгнание. Радуйся, Мино, мучениче многострадальный.

### **Кондак 2**

---

Видяще господство многобожия языческаго, во граде твоём, Мино всеславне, душею праведною томился еси; посреде же тьмы греховныя, яко светило, житием добродетельным сияюще, пел еси непрестанно Господеви: Аллилуиа.

### **Икос 2**

---

Разум просвещен, заповедей Божиих исполнением имея, страстотерпче Христов, непорочно житие твое, посреде людей беззаконных проводил еси, день и ночь Господеви служаще любовью, мы же укрепльшаго тя Бога славяще от сердца зовем ти сицевая: Радуйся, упованию христианскому

верныя научающий; Радуйся, козни вражия  
предстательством твоим разрушающий.  
Радуйся, сладостию молитв твоих скорбн наша  
растворяющий; Радуйся, в дивнем житии твоём  
унылыя мужества питием напаяющий. Радуйся,  
заповедей Господних блюстителю верный;  
Радуйся, благочестия и веры православныя  
ревнителю твердый. Радуйся, чтущия тя  
любовию, покрывающий; Радуйся, во  
искушениях, присно нам помогающий. Радуйся,  
мира духовнаго мироварнице славная; Радуйся,  
сосуде честный, благодатию преисполненный.  
Радуйся, токами чудес твоих правоверныя  
напаяющий; Радуйся, язвы душ наших, елеем  
молитв твоих умащающий. Радуйся, Мино,  
мучениче многострадальный.

### **Кондак 3**

Силою Божиею наставляем, славу мирскую и  
честь воинскую, Христа ради оставил еси и в  
пустынях, и горах Господеви служити изволил  
еси, яко Ангел непрестанно Богови зовя:  
Аллилуиа.

## Икос 3

Имуще сердце ревностию о славе Божественней распаляемо, со дерзновением пред нечестивым князем предстал еси, многострадальниче Христов, безумие идольское обличающе; он же яростию распаляем и не терпяще слов благодати, из уст твоих исходящих на муки многия предаде тя, мы же поминающе подвиг исповедания твоего с любовью зовем ти таковая: Радуйся, тернием от рук беззаконных израненный; Радуйся, исповедания ради огнем опаляемый. Радуйся, рассечение удов твоих претерпевый; Радуйся, тело твое иглами острыми исколотое имевый. Радуйся, млатом во главу люте ударяемый; Радуйся, многия раны Христа ради приемый. Радуйся, от трапезы подвиг твоих, мужеством верных насыщающий; Радуйся, во искушениях терпению нас научающий. Радуйся, страданьями твоими многия ко Христу обративый; Радуйся, мучителей твердостью веры твоея победивый. Радуйся, в подвиге твоем образ крепости духовных явивый; Радуйся, суету идольскаго нечестия посрамивый. Радуйся, Мино, мучениче многострадальный.

## Кондак 4

---

Бури гонения на Церковь Христову  
прошедше во дни Константина Великаго,  
воздвигоша христиане во Александрии церковь  
в честь славнаго имени твоего, Мино всечестне,  
идеже и положиша честныя мощи твоя, имже и  
мы ныне поклоняющесе поем дивному во  
святых Богу: Аллилуиа.

## Икос 4

---

Слыша о подвиге исповедания твоего,  
мучениче славне, любовью теплою воспеваем тя  
и прославляюще дивное терпение твое, со  
умилением песни приносим ти сицевыя:  
Радуйся, нищету нашу верою обогащающий;  
Радуйся, милостивое предстательство твое  
верным являющий. Радуйся, сокровище мира  
духовнаго нам открывающий; Радуйся, грады и  
веси в них же имя твое почитается,  
покрывающий. Радуйся, домов христианских от  
огненного запаления охранителю; Радуйся,  
неправедно страждущих утешителю. Радуйся,  
путешествующих добрый путеводителю;  
Радуйся, в море плавающих безбедное  
провождение. Радуйся, от внезапныя смерти  
верныя избавляющий; Радуйся, скорбящих

предстателю благодатный. Радуйся, присно в печалех нам помагающий; Радуйся, молитвами твоими скорби наша на радость прелагающий. Радуйся, Мино, мучениче многострадальный.

### **Кондак 5**

---

Боготечною звездою прошел еси житие твое, Мино всехвальне, день и ночь Господеви любовью пламенною работающе; темже и на конец подвигом мученическим веру твою запечатлел еси и венец нетленных славы от Бога прием, на небесех с лики святых поеши Ему: Аллилуиа.

### **Икос 5**

---

Видяще скорби и болезни наша, Мино блаженне, о нас, пред Престолом Господним предстоя ходатайствуешь и молитвами присными от многих бед и напастей чтущих имя твое сохраняеши. Темже и ныне к предстательству твоему притекающих сохрани, да выну зовем ти сицевая: Радуйся, предстательство верных непостыдное; Радуйся, страждущих изрядный помощниче. Радуйся, милостивый о нас пред Богом ходатаю; Радуйся, Закона Божия твердый ревнителю. Радуйся,

молитвы к Богу кадило благовонное; Радуйся, сосуде избранный Святыя Троицы. Радуйся, во вражде сущия, молитвами твоими, премиряющий; Радуйся, правоверныя миром и любовью ограждающий. Радуйся, праведным житием твоим благочестному жительству научающий; Радуйся, добрых дел присный споспешниче. Радуйся, покаяния добрый учителю; Радуйся, неусыпный о нас молитвенниче. Радуйся, Мино, мучениче многострадальный.

### **Кондак 6**

---

Проповедник правды Божия, еврей некий, тобою облагодетельствованный явися, Мино преславне; той бо видев чудо, имже христианина, сокровища его утаити беззаконно восхотевшаго, обличил еси, отвержеся нечестия своего и веру Христову прием, воспе Богу: Аллилуиа.

### **Икос 6**

---

Возсия в сердце евреянина онаго свет веры христианския, егда чудно возвратил еси, Мино добропобедне, сокровища его, беззаконно христианином, другом его утаенное:

предстательством бо твоим зло во благо  
обратися; еврей убо крещение христианин же  
греха прощение получиша. Мы же дивное сие  
премененне поминающе, от сердца глаголем ти:  
Радуйся, зло во благо, молитвами твоими,  
претворяющий; Радуйся, и злотворящих к  
покаянию обращающий. Радуйся, страстьми  
ослепленных просветителю; Радуйся, правды  
Божия твердый ревнителю. Радуйся, пути  
неблагих предстательством твоим исправляющий;  
Радуйся, стопы наша к пристанищу закона  
Господня наставляющий. Радуйся, Церкви  
Христовы изрядное украшение; Радуйся, рабов  
Божиих присное поможение. Радуйся,  
неусыпный о нас молитвенниче; Радуйся,  
Богоданный в скорбех защитителю. Радуйся,  
чудес источниче неоскудеваемый; Радуйся,  
чтущих память твою утешителю благодатный.  
Радуйся, Мино, мучениче многострадальный.

### **Кондак 7**

Хотяще явити миру источники милости своея  
неоскудевающия, Христе Боже наш, даровал еси  
нам предстателей и молитвенников к тебе  
дерзновенных святых твоих мучеников, иже  
твердость веры своея, даже до крове

пострадавши засвидетельствоваша; В нихже Тя, Единого Благаго Бога славяще, умильно зовем Тебе: Аллилуиа.

### **Икос 7**

---

Новаго Завета благодатию Евангельскою сердце твое насыщая, Мино великомучениче, огнем любви Божественныя Господеви всесожжегся еси и ликом святых мучеников сочетался еси, с ними же Престолу Вседержителя престоая, молися о чтущих верою память твою, ублажающих песнями тя таковыми: Радуйся, мучениче Господень преславный; радуйся, воине Христов добропобедный. Радуйся, милостивый христианам заступниче; Радуйся, присный о нас молитвенниче. Радуйся, недугов наших целителю милосердый; Радуйся, от напастей многообразных избавителю святой. Радуйся, в борьбе со страстьми и прилоги вражьими помощниче сильный; Радуйся, молитвами твоими от падений греховных нас сохраняющий. Радуйся, сокровищнице Даров Божиих Всебогатая; Радуйся, чаше, утешение духовнаго преисполненная. Радуйся, скорби наша молением твоим растворяющий; Радуйся,

любовию к Богу сердца наша запаляющий.  
Радуйся, Мино, мучениче многострадальный.

### **Кондак 8**

---

Странник на земли явился еси, Мино преславне, сердцем чистым Господа выну зыскующе; темже венец мученический прием, житие твое славно скончал еси; ныне же в Царствии Небеснем водворяяся со Ангелы песнь вопиеша Богови: Аллилуиа.

### **Икос 8**

---

Весь Богови покорився, Мино добропобедне, безвредно море искушения земнаго прошел еси и в пристанище Божественнаго покоя достиг во Обителях Отца Небеснаго водворяешися. Темже и нас, чтущих память твою, у Престола Божия поминай хвалящих песньми тя сицевымн: Радуйся, образ непорочнаго служения Богу явивый; Радуйся, многих к подвигу исповедания укрепивый. Радуйся, и ныне терпению, житием твоим нас научающий; Радуйся, коегождо к безропотному несению креста его наставляющий. Радуйся, нищеты духовныя учителю совершенный; Радуйся, светом смирения сердца наша просвещающий;

Радуйся, православных христиан изрядный поборниче; Радуйся, верным людям от напастей и зол ограждение. Радуйся, присное страждущим поможение; Радуйся, болящим милостивое исцеление. Радуйся, страдальче Христов пречестный; Радуйся, заступниче, от Господа нам дарованный. Радуйся, Мино, мучениче многострадальный.

### **Кондак 9**

---

Всякую сладость мирскую от души твоея отринул еси, Мучениче Пребогате, темже и честь воинскую оставив, воин Царя Небеснаго явился еси твердостью веры и мужеством праведным просияв. Ныне же на Небесех, Подвигоположник Христу предстоя, вопиеша со Ангелы: Аллилуиа.

### **Икос 9**

---

Ветия многовещанная не возмогут познати силу Христову, еюже яко оружием облеклся еси, Мино преславне, и мучителей беззаконных в терпении твоём победил еси. Мы же сердцем смиренным и душою сокрушенною, подвиг твой восхваляюще, со умилением песни ти зовем таковыя: Радуйся, неправедно страждущих утешение; Радуйся, обидящих вседейственное

вразумление. Радуйся, земле благая, плод добродетелей возрастившая; Радуйся, честными твоими страданьями землю Сирийскую осветивший. Радуйся, многая преславная чудеса по смерти твоей явивший; Радуйся, крине святой, посреде идольского нечестия процветший. Радуйся, яко злато в горниле скорбей искусивыйся; Радуйся, светом правды Евангельския просиявший. Радуйся, теплыми лучами молитв твоих, притекающая к тебе, согревающий; Радуйся, от нечаемых зол, чтущия ты покрывающий. Радуйся, Святыя Горы Афонския похваление; Радуйся, православным людем присное защищение. Радуйся, Мино, мучениче многострадальный.

### **Кондак 10**

---

Спасение дивно даровал еси купцу на поклонение к местным твоим мощем идущему; той бо от сребролюбца беззаконнаго смерть претерпе, тобою же воскрешенный, Богу воспе: Аллилуиа.

### **Икос 10**

---

Стена и заступник теплый явился еси купцу оному, Мино Святе; того бо за злато убиеннаго

воскресив, убийцу неправеднаго обличил еси; мы же чудо сие поминающе умильно поем ти: Радуйся, чудотворче преславный; Радуйся, предстателю благодатный. Радуйся, злотворящих грозное обличение; Радуйся, чтущих тя, присное защищение. Радуйся, купца убиеннаго воскресивший; Радуйся, сребролюбца и убийцу к покаянию обративший. Радуйся, жертводателей благий споспешниче; Радуйся, от сердца дающих теплый предстателю. Радуйся, пред иконою твоею смиренно молящихся скорый послушателю; Радуйся, от козней лукаваго и людей злых, верным хранителю. Радуйся, напасти житейския, молением твоим разрушающий; Радуйся, скорби наша, миром духовным растворяющий. Радуйся, Мино, мучениче многострадальный.

### **Кондак 11**

---

Пение похвальное приносим ти, мучениче доброхвальне, устне сердца смиреннаго любовь отверзающе: прославляем дивное житие твое и славим мученическую кончину твою, Богу укрепляющему тя зовя: Аллилуиа.

---

## Икос 11

Светом явления чудесе славнаго, сердце Евтропия, сребролюбием омраченно просветил еси, Святе, той бо блюдо сребряное со именем твоим в дар тебе уготованное помыслив себе оставить, раба возлюбленнаго и блюдо оное, в пучине морстей потопляема узре; но обаче предстательством твоим спасена раба паки восприим, благодарная ти воспе пения; мы же чудо сие восхваляюще, умильно зовем тебе таковая: Радуйся, сердце Евтропия к покаянию применивший; Радуйся, того раба в пучине морстей сохранивший. Радуйся, явлением чудесе твоего печаль в радость претворивший; Радуйся, слугу вернаго от потопления спасший. Радуйся, правых сердцем присный споспешниче; Радуйся, о чтущих имя твое к Богу ходатаю. Радуйся, от злых напастей нас сохраняющий; Радуйся, помощь твою, православным людям являющий. Радуйся, правдивому и честному житию научающий; Радуйся, благих начинаний исполнению помогающий. Радуйся, от соблазнов греховных нас ограждающий; Радуйся, прошения наша во благо, ко спасению исполняющий. Радуйся, Мино, мучениче многострадальный.

## Кондак 12

---

Благодать милостиваго твоего заступления, Мино преславне, жена некая, именем София, позна, та бо шедши в церковь твою на поклонение, тобою от бесчестия воина беззаконнаго спасшеса, благодарно Богови возопи: Аллилуиа.

## Икос 12

---

Поюще многая чудеса твоя, всехвальне великомучениче, поминаем хромого и немую, иже в церкви твоей усердно молишася; тем бо явився, дивным образом исцелил еси; мы же чудо сие поминающе усердно молим тя: и наша, беззаконными многими расслабленныя, нози укрепи и устне сердечныя отверзи достойно пети песньми тя сицевыми: Радуйся, нози расслабленнаго укрепивый; радуйся, узы немаго языка разрешивый. Радуйся, благосердый врачбник многими явивыйся; Радуйся, неверных множество чудесами преславными к вере приведый; Радуйся, боголюбцев веселие и похвале; Радуйся, страннх пристанище и утешение. Радуйся, нищих питателю благодатный; Радуйся, вдов и сирот заступлениче непостыдный. Радуйся,

